


La USC a Amsterdam

On giapà te redazion na blòta fotografia de Christian Rake che viv a Amsterdam, ntan che l se liej la Usc di Ladins. L liam cun l ncësa



Christian Rake che viv a Amsterdam: ce bel a liejer la Usc di Ladins!


USC - Che la Usc di Ladins vën lieta, nes fej sambën plajëi. Che la vën lieta nce oradecà, dalonc, nes fej n gran plajëi. Y nscila ons abù legrëza a giapé la fotografia dl pitl Christian.

Si mami ie Ulrike Insam de Urtijëi. Coche conta si fra Simon: „Ulrike à ancuntà si uem Rogier Rake pra l Lech de Garda y ie pona jita a studië a Amsterdam. Do l stude se ài marida a Urtijëi y ie pona jic a sté a Amsterdam. Šën ài doi mutons: Christian Vinzenz Rake che ie nasciù ai 25 de fauré dl 2008 y la pitla Ella Maria Rake

nasciuda permò, ai 18 de nuvëmber 2009. Ulrike lëura coche pedagoga te doi scoles de Amsterdam. Èila à giapà da nosc genitores l abunamënt per la USC per dut l ann, ajache per ëila iel scialdi mpurtant a vester ajurneda de chël che l suzed tlo da nëus.“

Bon pona, n bel salut da Gherdëina a Amsterdam, dut l bon y truepa legrëza cun Vosta familia ngrandida da puech, y inant truepa legrëza cun la Usc di Ladins.

David Lardschneider



Ulrike cun si uem Rogier y l pitl Christian.